

BESTELAKO XEDAPENAK

INDUSTRIA, TRANTSIZIO ENERGETIKO ETA JASANGARRITASUNAREN SAILA

1571

AGINDUA, 2026ko martxoaren 30ekoa, Industria, Trantsizio Energetiko eta Jasangarritasuneko sailburuarena, zeinaren bidez argitaratzen baita «Joxe Mari Korta» sarien 2026ko ekitaldirako deialdia, «Joxe Mari Korta» saria arautzen duen Industria, Trantsizio Energetiko eta Jasangarritasuneko sailburuaren 2025eko maiatzaren 16ko Aginduan ezarritako esparruan.

Industria, Trantsizio Energetiko eta Jasangarritasuneko sailburuaren 2025eko maiatzaren 16ko Aginduak (2025eko maiatzaren 21eko EHAA, 94. zk.) «Joxe Mari Korta» saria arautzen du.

Aipatutako aginduaren 4. artikuluan ezarritakoaren arabera, egokia da 2026ko ekitaldirako sariaren deialdia egitea, eta, horretarako, eman beharreko arauak ematea.

Horiek horrela, aipatutako aginduaren 4. artikuluan ezarritako eskumenaz baliatuz, hau

XEDATZEN DUT:

1. artikulua.– Xedea.

Agindu honen xedea da, «Joxe Mari Korta» saria arautzen duen Industria, Trantsizio Energetiko eta Jasangarritasuneko sailburuaren 2025eko maiatzaren 16ko Aginduan ezarritakoa betez, 2026ko ekitaldirako deialdia egitea.

2. artikulua.– Eskakizunak.

Agindu arautzailearen 3. artikuluan deskribatutako pertsona fisikoak izan daitezke agindu honen bidez deitutako sariaren onuradun.

Egiaztatu beharko da aurkeztutako hautagaitzek agindu honetan ezarritako eskakizunak betetzen dituztela, agindu arautzailearen 5. artikulua exijitzen duen bezala.

3. artikulua.– Eskabideak eta epea.

1.– Hautagaitzak eta nahitaezko gainerako dokumentazioa Eusko Jaurlaritzako Industria, Trantsizio Energetiko eta Jasangarritasunaren Saileko Kabinete Zuzendaritzara bidali behar dira (Donostia kalea 1, 01010 Vitoria-Gasteiz), Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan zehaztutako edozein bide erabiliz.

2.– Eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta hurrengo egunetik aurrera.

AZKEN XEDAPENETAKO LEHENENGOA

Deialdia egiten duen agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

AZKEN XEDAPENETAKO BIGARRENA

Agindu honen aurka, berraztertze-errekurtsoa aurkeztu ahal izango zaio Industria, Trantsizio Energetiko eta Jasangarritasuneko sailburuari, hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera.

Vitoria-Gasteiz, 2026ko martxoaren 30a.

Industria, Trantsizio Energetiko eta Jasangarritasuneko sailburua,
MIKEL JAUREGI LETEMENDIA.